



REPUBLIKA E KOSOVËS/REPUBLIKA KOSOVA

GJYKATA KOMERCIALE

Numri i lëndës: 2024:048717

Datë: 31.07.2024

Numri i dokumentit: 06003819

KPPP.nr.301/24

GJYKATA KOMERCIALE E KOSOVËS, Dhomat e Shkallës së Parë, Departamenti për Çështje Ekonomike, Gjyqtarja Verona Dibra, në çështjen përmbartimore të kreditorit të kundër përmbartimit N.T.H. “Motel te Aga Vet”, me NRB: 70353584, me seli në Viti, fshati Pozheran, përfaqësuar sipas autorizimit nga Granit Ramadani, avokat nga Vitia, kundër debitorit të kundër përmbartimit Kompania Kosovare për Furnizim me Energji Elektrike KESCO SH.A., me NRB: 71102130, me seli në Prishtinë, Bulevardi Bill Clinton nr.5, duke vepruar sipas propozimit për kundërpërmbartim të paraqitur me datë 01.02.2024, jashtë seance, më datë 31.07.2024 merr këtë:

A K T V E N D I M

- I. Gjykata Komerciale e Kosovës, Dhomat e Shkallës së Parë, Departamenti për Çështje Ekonomike, shpallet jo kompetente për të vendosur sipas propozimit për kundër përmbartim të paraqitur nga kreditori i kundërpërmbartimit N.T.H. “Motel te Aga Vet”, me seli në Viti ndaj debitorit të kundërpërmbartimit Kompania Kosovare për Furnizim me Energji Elektrike KESCO SH.A..
- II. Pas plotfuqishmërisë së këtij aktvendimi lënda së bashku me shkresat e saj i dërgohet Gjykata Themelore në Prishtinë .

A r s y e t i m

Kreditori N.T.H. “Motel te Aga Vet”, me datë 01.02.2024, pranë Gjykatës Komerciale të Kosovës – Departamenti për Çështje Ekonomike, ka paraqitur propozim për kundërpërmbartim ndaj debitorit të kundërpërmbartimit Kompania Kosovare për Furnizim me Energji Elektrike KESCO SH.A..

Gjykata, duke u kujdesur për kompetencën e saj lëndore, pas shqyrtimit paraprak të propozimit për kundër përbarim, gjeti se çështja e cila është objekt i saj përfaqëson çështje, për vendosjen e së cilës kjo gjykatë nuk ka kompetencë lëndore, por që për vendosjen e këtij propozimi është kompetente Gjykata Themelore në Prishtinë – Departamenti i Përgjithshëm, për arsyet si në vijim:

Kompetenca e Gjykatës Komerciale në çështjet përbarimore është e rregulluar me nenin 13 të Ligjit nr. 08/L-15 për Gjykatën Komerciale, me të cilin në paragrafin 1, pika 1.2 përcaktohet se: *“Gjykata Komerciale është kompetente për të gjykuar, dhe ka juridiksion ekskluziv për të gjykuar, në Dhomat e Shkallës së Parë dhe Dhomat e Shkallës së Dytë: 1.2.: të gjitha mjetet juridike, siç përcaktohet me ligjin e aplikueshëm për procedurën përbarimore, për çështje brenda kompetencës të kësaj gjykate.”*

Mjetet juridike në procedurë përbarimore, konform ligjit të aplikueshëm, Ligji nr. 04/l-139 për Procedurën Përbarimore janë të përcaktuara në nenin 67, sipas të cilit në paragrafin 1 përcaktohet se: *“Në procedurën përbarimore, mjetet e rregullta të goditjes janë: 1.1. Prapësimi dhe 1.2. Ankesa,”* ndërsa me nenin 68 të po të njëjtit Ligj, përcaktohen Mjetet e jashtëzakonshme juridike, ku decidivisht përcaktohet se: *“1. Nuk është i lejuar revizioni dhe përsëritja e procedurës në procedurën përbarimore. 2. Kthimi në gjendjen e mëparshme është i lejuar vetëm në rastet e mos ruajtjes së afateve për paraqitjen e prapësimi dhe ankesës kundër vendimeve të përbarueshëm për përbarimin me dhunë.”*

Duke u bazuar në dispozitat e sipërcituara rezulton se Departamenti për Çështje Ekonomike i Gjykatës Komerciale të Kosovës, është kompetente për shqyrtimin e mjeteve të rregullta në procedurë përbarimore dhe atë për prapësim dhe ankesë për çështje brenda kompetencës së kësaj gjykate.

Në rastin konkret, meqenëse objekti i shqyrtimi të çështjes ka të bëjë me caktimin dhe zbatimin e përbarimit sipas propozimit për kundër përbarim të kreditorit të kundër përbarimit N.T.H. “Motel te Aga Vet”, ndaj debitorit të kundër përbarimit Kompania Kosovare për Furnizim me Energji Elektrike KESCO SH.A., ndërsa nuk ka për objekt shqyrtimi mjetet juridike në procedurë përbarimore të përcaktuara në nenin 67 dhe 68 të LPP-së, gjykata duke u bazuar në dispozitën e nenit 13, pika 1.2 të Ligjit për Gjykatën Komerciale, vlerëson se nuk ka kompetencë për vendosje në këtë çështje përbarimore.

Andaj, duke marrë parasysh faktin se objekt në këtë çështje përmbartimore është caktimi dhe zbatimi i përmbartimit nga gjykata si organ përmbartues sipas propozimit për kundër përmbartim të kreditorit, ndërsa në shkresa të lëndës nuk ka ndonjë mjet juridik për të cilin Gjykata Komerciale do të ishte e kompetencës për të vendosur, kjo gjykatë vlerëson se pikërisht Gjykata Themelore në Prishtinë – Departamenti i Përgjithshëm, është gjykatë kompetente për vendosje në këtë çështje përmbartimore, kjo në mbështetje edhe të dispozitave nga neni 5 i LPP-së.

Në bazë të neneve 17 dhe 19, të Ligjit Nr. 03/L-006 për Procedurën Kontestimore, parashihet që gjykata gjatë tërë procedurës sipas detyrës zyrtare kujdeset për kompetencën e vet lëndore, e të cilat dispozita gjykata i zbatoi përshtatshëmish në këtë procedurë konform nenit 17 të LPP-së.

Nga sa më sipër, në mbështetje të nenit 17 dhe 19 të Ligjit Nr. 03/L-006 për Procedurën Kontestimore, lidhur me nenin 17 të Ligjit Nr. 04/L-139 për Procedurën Përmbartimore, u vendos si në dispozitiv të këtij aktvendimi.

GJYKATA KOMERCIALE E KOSOVOËS

Dhomat e Shkallës së Parë, Departamenti për Çështje Ekonomike

KPPP.nr.301/24, datë 31.07.2024

Gjyqtarja
Verona Dibra

KËSHILLË JURIDIKE: Kundër këtij aktvendimi është e lejuar ankese në afat prej shtatë (7) ditëve, nga dita e pranimit të aktvendimit, në Dhomën e Shkallës së Dytë, në Gjykatën Komerciale të Kosovës, përmes Dhomave të Shkallës së Parë të kësaj Gjykate.